

四庫全書

史部

欽定四庫全書

史部

增補武林舊事卷八

詳校官太常寺少卿臣陳桂森

編修臣程嘉謨覆勘

覆校官編修臣莊通敏

校對官中書臣李荃

謄錄監生臣王焜

欽定四庫全書

增補武林舊事卷八

宋周密原本

明朱廷煥補

諸市

藥市

炭橋

花市

官巷

珠子市

融和坊南官巷

朱市

北關門外黑橋頭

肉市

大瓦橋義坊

菜市

新門外東青門霸子頭

鮮魚行

侯潮門外

魚行

北關門外永冰橋

南猪行

侯潮門外

北猪行

打猪巷

布行

便門外橫河頭

蟹行

新門外南上門

花園

官巷口錢塘門內

青果園

候潮門內泥路

柑子園

後市街

養園

便門外渾水間

書房

橋園亭

瓦子勾欄

南瓦

清冷橋熙春樓

中瓦

三元樓

大瓦

三橋街亦名上瓦

北瓦

東安橋亦名下瓦

蒲橋瓦

亦名東瓦

便門瓦

便門外

候潮門瓦

候潮門外

小偃門瓦

小偃門外

新門瓦

亦名四通觀瓦

薦橋門瓦

薦橋門外

菜市門瓦

菜市門外

錢湖門瓦

省馬院前

赤山瓦

後軍寨前

行春橋瓦

北郭瓦

又名大通店

米市橋瓦

舊瓦

石板頭

嘉會門瓦

嘉會門外

北關門瓦

又名新瓦

艮山門瓦

艮山門外

羊坊橋瓦

王家橋瓦

龍山瓦

城內隸脩內司城外隸殿前司

如北瓦羊棚樓等謂之邀棚外又有勾欄甚多  
北瓦內勾欄十三座最盛或有路歧不入勾欄  
只在要闊寬濶之處做場者謂之打野呵此又  
藝之次者

酒樓

和樂樓

昇陽宮南庫

和豐樓

武林園上庫

中和樓

銀甕子中庫

春風樓

北庫

太和樓

東庫

西樓

金文庫

太平樓

豐樂樓

南外庫

北外庫

西溪庫

已上並官庫屬戶部點檢所每庫設官妓數十人各有金銀酒器千兩以供飲客之用每庫有祇直者數人名曰下番飲客登樓則以名牌點喚侑樽謂之點花牌元夕諸妓皆併番互移

他庫夜賣各戴杏花冠兒危坐花架然名娼皆  
深藏邃閣未易招呼凡有核杯盤亦各隨意攜  
至庫中初無庖人官中趨課初不藉此聊以粉  
飾太平耳往往皆學舍士夫所據外人未易登  
也

熙春樓

三元樓

五間樓

賞心樓

嚴厨

花月樓

銀馬杓

康沈店

翁厨

任厨

陳厨

周厨

巧張

日新樓

沈厨

鄭厨

只賣好食雖海  
鮮頭羹皆有之

蛇蟠眼

只賣  
好酒

張花

已上皆市樓之表表者每樓各分小間十餘酒  
器悉用銀以競華侈每處各有私名妓數十輩  
時粧祛服巧笑爭妍夏月茉莉盈頭香滿綺陌  
凭檻招邀謂之賣客又有小鬟不呼自至歌吟



強聒以求支分謂之擦坐吹簫彈阮息氣鑼板  
歌唱散耍等人謂之趕趁老嫗以小爐炷香為  
供者謂之香婆有以法製青皮杏仁半夏縮砂  
荳蔻小蠟茶香藥韻薑砒香椒攬薄荷至酒閤  
分俵得錢謂之撒噉又有賣玉面狸鹿肉糟決  
明糟蟹糟羊蹄酒蛤蜊柔魚鰕茸鱗乾者謂之  
家風又有賣酒浸江蟪章舉螭肉龜腳鎖管蜜  
丁脆螺蟹醬法鰕子魚蟹魚諸海味者謂之醒

酒口味凡下酒羹湯任意索喚雖十客各欲一味亦自不妨過賣鐺頭記憶數十百品不勞再四傳喝如流便即製造供應不許少有違誤酒未至則先設看菜數碟舉杯則又換細菜如此屢易愈出愈奇極意奉承或少忤客意食次少遲則主人隨逐去之歌管歡笑之聲每夕達旦往往與朝天車馬相接雖暑雨風雪不少減也

歌館

補十四條

平康諸坊如上下抱劍營漆器牆沙皮巷清河坊融和坊新街太平坊巾子巷獅子巷後市街薦橋皆羣花所聚之地外此諸處茶肆

清樂茶坊

八仙茶坊

珠子茶坊

潘家茶坊

連三茶坊

連二茶坊

及金波橋等兩河以至瓦市各有等差莫不靚粧迎門爭妍賣笑朝歌暮絃搖蕩心目凡初登門則有提瓶獻茗者雖杯茶亦搗數千謂之點花茶登樓甫飲一杯則

先與數貫謂之支酒然後呼喚提賣隨意置宴趕趁祇應撲賣者亦皆紛至浮貴頗多或欲更招他妓則雖對街亦呼肩輿謂之過街轎前輩如賽觀音孟家蟬吳憐兒等甚多皆以色藝冠一時家甚華侈近世目擊者惟唐安安最號富盛凡酒器沙鑪冰盆火箱粧合之類悉以金銀為之帳幔茵褥多用錦綺器玩珍奇它物稱是下此雖力不逮者亦競鮮華蓋自酒器首飾被卧衣服之屬各有貸者故凡佳客之至則供具為之一新非曾

遊者不察也

蘇小小錢塘名娼南齊時人其墓或云湖曲或云江干  
古詞云妾乘油壁車郎跨青驄馬何處結同心西陵松  
柏下今西陵乃在錢塘江之西則云江干者近是 李  
賀蘇小小墓歌幽蘭露如啼眼無物結同心烟花不堪  
剪草如茵松如蓋風為裳水為珮油壁車久相待冷翠  
燭勞光彩西陵下風吹雨 白樂天柳枝詞蘇州楊柳  
任君誇更有錢塘勝館娃若解多情尋小小綠楊深處

是蘇家蘇家小女舊知名楊柳風前別有情剝條盤作銀環樣捲葉吹為玉笛聲

商玲瓏餘杭歌者白樂天作郡日賦歌與之云罷胡琴掩秦瑟玲瓏再拜歌初畢誰道使君不能歌聽唱黃雞與白日黃雞催曉丑時鳴白日催年酉時沒腰間赤綬繫未穩鏡裏朱顏看易失玲瓏玲瓏奈老何使君歌了汝還歌時微之在越厚幣邀去月餘始遣還贈之詩因寄樂天云休遣玲瓏唱我詞我詩多是寄君詩明朝又

向江頭別月落湖平是去時

蘇子瞻倅杭日府僚湖中高會羣妓畢集惟秀蘭不來  
營將督再三乃來子瞻問故荅曰沐浴倦卧忽有叩  
門聲急起詢之乃營將催督也整妝趨命不覺稍遲時  
府僚多屬意於蘭者見其不來恚恨不已云必有私事  
秀蘭含淚力辯而子瞻亦從旁冷語陰為之解府僚終  
不釋然適榴花開盛秀蘭以一枝藉手獻座中府僚愈  
怒責其不恭秀蘭進退無據低首垂淚子瞻乃作一曲

名賀新涼令秀蘭歌以侑觴聲容絕妙府僚大悅劇飲而罷其詞云乳燕飛華屋悄無人槐陰轉午晚涼新浴手弄生綃白團扇扇手一時似玉漸困倚孤眠清熟簾外誰來推繡戶枉教人夢斷瑤臺曲又却是風敲竹石榴半吐紅巾蹙待浮花浪蕊都盡伴君幽獨穠豔一枝細看取芳心千重似束又恐被秋風驚綠若待得君來向此花前對酒不忍觸共粉淚兩簌簌

蘇子瞻通判杭州權領郡事新太守將至有營妓投牒



乞從良子瞻判曰五日京兆判狀不難九尾野狐從良  
任便又有周妓色藝超絕為一郡之魁聞判亦來投牒  
欲援例脫籍子瞻惜其去不許判云慕周南之化此意  
誠可嘉空冀北之羣所請宜不允其敏捷善譴如此

蘇子瞻守杭時毛澤民為法曹公以衆人遇之澤民與  
妓瓊芳善秩滿辭去作惜分飛詞以贈妓云 淚濕闌  
干花著露愁到眉峰碧聚此恨平分取更無言語空相  
覩細雨殘雲無意緒寂寞朝朝暮暮今夜山深處斷魂

分付潮回去子瞻一日宴客聞妓歌此詞問誰所作妓以澤民對子瞻嘆曰郡僚有詞人而不及知某之罪也朔日折簡追回款洽數月

琴操頗通佛書解言辭子瞻喜之一日遊西湖戲語琴操曰我作長老汝作叅禪琴操敬諾子瞻問曰何謂湖中景對曰落霞與孤鶩齊飛秋水共長天一色何為景中人對曰裙拖六幅湘江水髻挽巫山一段雲何謂人中意對曰隨他楊學士驚殺鮑叅軍如此究竟何如子

瞻曰門前冷落車馬稀老大嫁作商人婦琴操言下大  
悟遂削髮為尼

唐宋間郡守新到營妓皆出境迎既出猶得以鱗鴻往  
返覲不為異白樂天湖上醉中代諸妓寄嚴郎中詩云  
笙歌盃酒正歡娛忽憶仙郎望帝都借問連宵直南  
省何如盡日醉西湖蛾眉久別心知否雞舌含多口厭  
無還有些些惆悵事春來山路見蘼蕪又聞歌妓唱嚴  
郎中詩因以絕句寄之詩云已畱舊政布中和又付

新詞與豔歌但是人家有遺愛就中蘇小感恩多蘇子  
瞻送杭妓往蘇州迎新守菩薩蠻詞云 玉童西迓浮  
丘伯洞天冷落秋蕭瑟不用許飛瓊瑤臺空月明清香  
凝夜燕借與常郎看莫便過姑蘇扁舟下五湖又西湖  
席上代諸妓送陳述古詞云 娟娟缺月西南落相思  
撥斷琵琶索枕淚夢魂中覺來眉暈重華堂堆燭淚長  
笛吹新水醉客各西東應思陳孟公

杭妓周韶胡楚龍靚皆有詩名韶好蓄奇茗嘗與蔡君

謨關勝題品風味君謨屈馬蘓子容過杭太守陳述古  
飲之召韶佐酒韶因子容求落籍子容指簷間白鸚鵡  
曰可作一絕韶援筆揮云隴上巢空歲月驚忍看回  
首自梳翎開籠若放雪衣女長念觀音般若經時韶有  
服衣白一座笑賞述古遂令落籍時楚靚皆同席楚贈  
之詩云淡粧輕素鶴翎紅移入朱闌便不同應笑西  
湖舊桃李強勻顏色待春風靚詩云桃花流水本無  
塵一落人間幾度春解佩暫酌交甫意濯纓還見武陵

人

胡楚有贈所歡詩云 不見當時丁令威年來處處是  
相思若將幽恨同芳草却恐青青無盡時時張子野老  
於杭多為杭妓作詞而不及靚靚獻詩云 天與羣芳  
十樣葩獨憐顏色不堪誇牡丹芍藥人題遍自分身如  
鼓子花子野甚喜為之賦詞一闕云

陳述古守杭時齋閣中有絕句二首綽約新嬌生眼底  
侵尋舊事上眉尖問君別後愁多少好似春潮夜夜添

又云長垂玉筍殘粧臉肯為金釵露指尖萬斛開愁何  
日盡一分真態為誰添蓋為佳人叙幽思也蘇子瞻嘗  
書此詩并周胡龍三妓詩作一卷元時柯敬仲得之虞  
邵菴伯生題其後云祇今誰是錢塘守頗解湖中宿畫  
船曉起鬪茶龍井畔花開陌上載嬋娟又云三生石上  
舊精魂邂逅相逢莫重論縱有繡囊留別恨已無明鏡  
著啼痕又云能言學得妙蓮華贏得春風對客誇乞食  
衲衣渾未老為誰靈塔向金沙

蘇小娟錢塘名妓也俊麗工詩其姊盼奴與太學生趙不敏甚洽款久之不敏日益貧盼奴周給之使篤於業遂捷南省得官授襄陽府司戶盼奴未落籍不得偕老不敏赴官三載想念成疾而卒有祿俸餘貲囑其弟趙院判均分之一以贍院判一送盼奴且言盼奴有妹小娟俊雅能吟可謀致之佳耦也院判如言至錢塘託宗人倅錢塘者召盼奴其家云盼奴一月前死矣小娟亦為盼奴所歡以於潛官絹誣攀繫府獄倅從獄中召小



娟出詰之曰汝誘商人官絹百足何以償之小娟叩頭  
言此亡姊眊奴事乞賜周旋非惟小娟感荷更生眊奴  
亦蒙恩泉下也倅喜其辭宛順因問汝識襄陽趙司戶  
否小娟曰趙司戶未仕時與姊眊奴交好後中科授官  
去眊奴相思致疾而死倅曰趙司戶亦謝世矣遣人附  
一緘及餽物一罨外有其弟院判一緘付爾開之小娟  
自謂不識院判何人及拆書惟一詩云 當時名妓鎮  
東吳不好黃金只好書借問錢塘蘇小小風流還似大

蘇無小娟得詩默然倅索和之小娟以不能辭倅強之  
且曰不和即償官絹小娟不得已索紙援筆書云 君  
住襄江妾住吳無情人寄有情書當年若也來相訪還  
有於潛絹也無倅大喜盡以所寄物與之免其償絹且  
為脫籍歸院判偕老

錢唐道士洪丹谷與一妓通因娶為室病且草顧謂洪  
曰妾死在旦夕卿須自執新還肯作一轉語否妾歌兒  
也卿能集曲調於妾未死之前使預聞之死無憾矣洪

固滑稽遂作文曰二十年前我與伊只因彼此太癡迷  
忽然四大相離後你是何人我是誰共惟娘子秀鍾谷  
水聲過楚雲玉交枝堅一片心錦纏頭餘二十載遽成  
如夢令休憶少年遊哭相思兩手託空意難忘一筆勾  
斷且道如何是一筆勾斷孝順哥終無孝順逍遙樂永  
遂逍遙聽畢一笑而逝

甲妓朱觀奴居鹽橋頗通文義嘗欲構室而募緣於人  
求題詞於瞿宗吉宗吉援筆書云 傾國傾城美貌為

雲為雨芳年金沙灘上舊因緣重到人間亦現欲構雲  
牕霧閣奈慳寶鈔金錢諸公有意與周旋請看桃花好  
面人以宗吉故喜捐貲焉

陳煥章錢塘人諱誕浮薄而聰明爽陞嘗痛飲妓館醉  
為羣妓所侮作中呂滿庭芳樂府云 羊羔玉笋灌翻  
老漢嬉笑加加小了鬟欺侮嗔年高大兩三箇扳倒扛  
咱白髮上黃花亂插赤骨立黑墨偷搽慣得他無高下  
也是俺醉鄉豁達笑殺我也繇他

西湖志

貨物

花檐

酒檐

首飾

衣服

被卧

轎子

布囊

酒器

幃設

動用

盤合

喪具

凡吉凶之事自有所謂茶酒厨子專任飲食請客宴席之事凡合用之物一切賃至不勞餘力雖廣席盛設亦可咄嗟辦也

作坊

熟藥圓散

生藥片飲

麩麩

糰子

饅頭

燠炕鵝鴨

燠炕猪羊

糖蜜棗兒

諸般糖

金橘團

灌肺

饊子

苺豆

印馬

蚊烟

都民驕惰凡賣買之物多於作坊行販已成之物轉求什一之利或有貧而愿者凡貨物盤架之類一切取辦於作坊至晚始以所直償之雖

無分文之儲亦可糊口此亦風俗之美也

驕民

郡民素驕非惟風俗所致蓋生長輩下勢使之然若住屋則動蠲公私房賃或終歲不償一鍰諸務稅息亦多蠲放有連年不收一孔者皆朝廷自行抱認諸項窠名恩賞有黃榜錢雪降則有雪寒錢久雨久晴則又有賑恤錢米大家富室則又隨時有所資給太官拜命則有所謂搶節錢病者則有施藥局童幼不能自育者則有

慈幼局貧而無依者則有養濟院死而無殮者則有漏  
澤園民生何其幸歟

游手

浩穰之區人物盛夥游手奸黠實繁有徒有所謂

美人局

以娼優為姬妾  
誘引少年為事

櫃坊賭局

以博戲開撲結  
黨手法騙財

水功德局

以求官覓舉恩澤遷轉訟事文  
易等為名假借聲勢脫漏財物

不一而

足又有買賣物貨以偽易真至以紙為衣銅鉛為金銀



土木為香藥變換如神謂之白日賊若闌闌之地則有  
剪脫衣囊環珮者謂之覓貼兒其他穿窬胠篋各有稱  
首以至頑徒如攔街虎九條龍之徒尤為市井之害故  
尹京政先彈壓必得精悍鈎距長於才術者乃可都轄  
一房有都轄使臣總轄供申院長以至廂巡地分頭項  
火下凡數千人專以緝捕為職其間雄駟有聲者往往  
皆出羣盜而內司又有海巡八廂以察之

湖產

增

湖中物產殷富聽民間自取故捕魚攪草之艇擾擾烟  
水間夜火徹旦濱湖多植蓮藕菱芡芡之屬或蓄魚  
鮮日供城市諺云西湖日銷寸金日生寸金蓋謂此也  
湖中多雜魚而鯽魚最美骨軟肉鬆不數鱗鰭獨無鱗  
魚蓋地氣絕產者正德中有魚黃而無鱗肉翅能飛一  
日冥雨飛至羊壩頭而墜舊時湖中產蟹林和靖詩云  
草泥行郭索又云水痕秋落蟹螯肥今湖蟹絕無蓋宋  
時禁採捕傷多葑田今值澄波徹底旦旦而攪之亦難

乎其生育矣其螺蚌鰕鼈之屬生生尤夥網簪交錯宋  
諺云南柴北米東菜西水今改西魚者蓋城中水不藉  
西湖而魚產之富歲歲不減也藕出西湖者甘脆爽口  
與護安村同匾眼者尤佳其花有紅白二種白者香而  
結藕紅者豔而結蓮瞿宗吉詩云畫閣東頭納晚涼紅  
蓮不及白蓮香者是也宋時聚景園有繡蓮紅瓣而黃  
緣結實如飴兩角為菱四角為菱紅者皮薄而鮮美東  
坡詩云烏菱白茨不論錢烏菱老而沉泥者頗不佳且

非西湖所有芡名雞壘亦曰鴈頭梁渚臨平在在咸有而湖產特佳香輒而粒大芡白本秋實惟西湖四時有之芡田之直可十餘金利倍禾稼遠湖數里則此種雖植不茂矣湖中蘊藻蘋荇諸水草牽風演漾彌蔓不絕土人取之以供魚食歲計亦不下數百金

西湖志餘

市食

鵪鶉餠蝕兒

肝臟餃子

香藥灌肺

灌腸

猪胰胡餅

羊脂韭餅

窩絲薑豉

剗子

科斗細粉

玲瓏雙條

七色燒餅

雜爇

金錠裏蒸

市羅餛飩

寬焦薄脆

糕糜

旋炙犯兒

八糙鵝鴨

炙雞鴨

爇肝

罐裏爇

爇鰻鱖

爇團魚

煎白腸

水晶膾

煎鴨子

臟駝兒

焦蒸餅

海蟄餅

薑蝦米

辣蘆粉

糖葉子

豆糰

麻糰

螺頭

膘皮

辣菜餅

炒螃蟹

肉葱蘆

羊血

鹿肉犯子

果子

皂兒膏

宜利少

瓜萸煎

鮑螺

裏蜜

糖絲線

澤州錫

蜜麻酥

炒團

澄炒團子

十般糖

甘露餅

玉屑膏

燠木瓜

糖脆梅

破核兒

查條

橘紅膏

荔枝膏

蜜薑豉

韻薑糖

花花糖

二色灌藕

糖豌豆

芽豆

栗黃

烏李

酪麪

蓼花

蜜彈彈

望口消

桃穰酥

重劑

蜜棗兒

天花餅

烏梅糖

玉柱糖

乳糖獅子

薄荷蜜

琥珀蜜

錫角兒

諸色糖蜜煎

菜蔬

薑油多

薤花茄兒

辣瓜兒

倭菜

藕鮓

冬瓜鮓

笋鮓

茭白鮓

皮醬

糟瓊枝

蓴菜笋

糟黃芽



糟瓜蘆

淡鹽蘆

鮓菜

醋薑

脂麻辣菜

拌生菜

諸般糟淹

鹽芥

粥

七寶素粥

五味粥

粟米粥

糖豆粥

糖粥

糕粥

饊子粥

菜豆粥

肉盒粥

犯鮓

筭條

界方條

線條

魚肉影戲

胡羊犯

削脯

槌脯

鬆脯

兔犯

麋犯鹿脯

糟猪頭

乾鹹豉

皂角鉞

臘肉

炙骨頭

旋炙荷包

荔枝皮

鵝鮓

荷包旋鮓

三和鮓

切鮓

骨鮓

桃花鮓

雪團鮓

玉板鮓

鱖鯉鮓

春子鮓

黃雀鮓

銀魚鮓

蟻鮓

凉水

甘豆湯

椰子酒

豆兒水

鹿梨漿

涵海水

薑蜜水

木瓜汁

茶水

沉香水

荔枝膏水

苦水

金橘團

雪泡縮脾飲

梅花酒

五苓大順散

香薷飲

紫蘇飲

糕

糖糕

蜜糕

栗糕

栗糕

麥糕

豆糕

花糕

糰糕

雪糕

小甑糕

蒸糖糕

生糖糕

蜂糖糕

線糕

間炊糕

糕乾

乳糕

重陽糕

社糕

蒸作從食

子母鹽

春鹽

大包子

荷葉餅

芙蓉餅

壽帶龜

子母龜

歡喜

撚尖

剪花

小蒸作

駱駝蹄

大學饅頭

羊肉饅頭

細餛

糖餛

豆沙餛

蜜辣餛

生餛

飯餛

酸餛

笋肉餛

麩草餛

棗栗餛

薄皮

蟹黃

灌漿

卧爐

鵝項

棗餛

仙桃

乳餅

菜餅

秤錘蒸餅

睡蒸餅

千層

雞頭籃兒

鵝彈

月餅

饅子

炙焦

肉油酥

燒餅

火棒

小蜜食

金花餅

市羅

蜜劑

餅餡

春餅

胡餅

韭餅

諸色餃子

諸色包子

諸色角兒

諸色從食

諸色果食

諸色酒名

薔薇露

流香

並御庫

宣賜碧香

思春堂

三省激賞庫

風泉

殿司

玉練槌

祠祭

有美堂

中和堂

雪醅

真珠泉

皇都春

出賣

常酒

出賣

和酒

出賣並京醅

皇華堂

浙西倉

爰洛堂

浙東倉

瓊花露

揚州

六客堂

湖州

齊雲清露

雙瑞

並蘇州

愛山堂

得江

並東總

留都春

靜治堂

並江閩

十洲春

玉醅

並海閩

海岳春

西總

籌思堂

江東漕

清若空

秀州

蓬萊春

越州

第一江山



北府兵廚

錦波春

浮玉春

江並鎮

秦淮春

銀光

康並建

清心堂

豐和春

蒙泉

州並溫

瀟洒泉

州嚴

金斗泉

州常

思政堂

龜峰

州並衢

錯認水

州婺

穀溪春

州蘭

慶遠堂

州秀

清白堂

府楊

藍橋風月

府吳

紫金泉

府楊郡

慶華堂

府楊駙馬

元勳堂

府張

眉壽堂

萬象皆春

府並榮

濟美堂

勝茶

府並謝

點檢所酒息日課以數十萬計而諸司邸第及諸州供送之酒不與焉蓋人物浩繁飲之者衆故也

小經紀

他處所無有

班朝錄

供朝報

選官圖

諸色科名

開先碑

寫牌額

裁板尺

諸色指揮

織經帶

棋子棋盤

蒲枰骰子

交牀試籃

賣字本

掌記冊兒

諸般簿子

諸色經文

刀冊兒

紙畫兒

扇牌兒

印色盞

剪字

纏令

耍令

琴阮絃

開笛

龍笙

鞞鼓

口簧

位牌

諸般盞兒

屋頭掛屏

剪簇花樣

簷前樂

見成皮鞋

提燈戲燈

頭鬚編掠

香櫟絡兒

香櫟坐子

拄杖

粘竿

風旛

釣鉤

釣竿

食罩

吊掛

拂子

蒲坐

椅褥

藥焙

烘籃

風袋

烟帚

糊刷

鞦韆

桶鉢

搭羅兒

薑擦子

帽兒

鞦帶

修皮鞦

穿交椅

穿星崽

鞦結底

領抹

釵朶

牙梳

穿珠

洗翠

修冠子

小梳兒

染梳兒

接補梳兒

香袋兒

面花兒

絹孩兒

符袋兒

畫眉七香丸

膠紙

穩步膏

手皺藥

涼藥

香藥

膏藥

髮朶兒

頭髮

磨鏡

弩兒

弩絃

彈弓

箭翎

射帖

壺籌

鵲鵲翎

風箏

藥線

象棋

韃子

斗葉

香爐灰

紕刷兒

笕子剔

剪截段尺

出洗衣服

簇頭消息

提茶瓶

鼓爐釘鉸

釘看憲

札熨斗

供香餅

使綿

打炭盤

補鍋子

泥竈

整漏

箍桶

襌膊兒

竹猫兒

消息子

老鼠藥

蚊烟

鬧鵝兒

涼筒兒

鈕扣子

接絛

修扇子

錢索

麻索

紅索兒

席草

雞籠

脩竹作

使法油

油紙

油單

羶坐子

修砧頭

磨刀

磨剪子

搥搥

俗諺云杭州人一日吃三十丈木頭以三十萬家為率大約每十家吃搥搥一分合而計

之則三十丈矣

棒搥

舂米

劈柴

淘井

猫窩

猫魚

賣猫魚

改猫犬

雞食

魚食

蟲食

蟲蟻食

諸般蟲蟻

魚兒活



屹蚪兒

促織兒

小螭蟹

金麻

馬蜚兒

蜉蝣

蟲蟻籠

促織盆

麻花子

荷葉

燈草

發燭

肥皂團

茶花子

買瓶掇

舊鋪襯

屹伯紙

竹釘

淘灰土

淘河

剔撥叉

黃牛糞灰

挑疥蟲

賣烟火

鍤影戲

若夫兒戲之物名什甚多尤不可悉數如相銀杏猜糖吹蚪兒打嬌惜千千車輪盤兒每一事率數十人各專藉以為衣食之地皆他處之所無也

諸色伎藝人

補九條

御前應制

姜梅山

特立觀容使

周葵憲

端臣

曹松山

遵

陳藏一

都

徐良

陳愛山

程奎

耿待聘

御前畫院

馬和之

蘇漢臣

李安中

陳善

林春

吳炳

夏圭

李迪

馬遠

馬璘

耿聽聲兼能嗅衣物知吉凶貴賤德壽聞其名取宮人  
扇百柄雜以上及中宮所御令小黃門持叩之耿嗅至  
后扇云此聖人也然有陰氣至上扇乃呼萬歲上奇之

呼入北宮取嬪妃珠冠十數示之至一冠奏曰此有尸  
氣時張貴妃已薨此其故物也後居候潮門內夏震微  
時嘗為殿巖饋酒於耿耿聞聲知其必貴遂以女妻其  
子子復娶其女時郭棣為殿帥耿謁之曰君部中有三  
節使他日皆為三衙叩為何人則曰周虎彭輅夏震也  
虎輅時皆為將官獨震為帳前佩印官郭曰周彭地步  
或未可知震安得遽爾耿曰吾所見如此可必也耿因  
與三人結為義兄弟一日耿謂虎曰吾數夜聞軍中金

鼓有殺聲兵將動君三人皆當顯矣未幾開禧出師虎  
守和州輅為金州統戎皆以功受賞震則以誅韓功相  
繼獲殿巖虎亦叅馬跡皆立節度使班悉如其言

癸辛雜識

陸象山少年時嘗坐臨安市肆觀棋如是者累日棋工  
曰官人日日來看必是高手願求教一局象山曰未也  
三日後却來乃買棋局一幅歸懸之室中卧而仰觀者兩  
日忽悟曰此河圖數也遂往與棋工對棋工連負二局  
起謝曰某是臨安第一手凡來著者皆饒一先今官人

棋反饒得某一先天下無敵手矣象山笑而去

鶴林玉露

賈似道有異志一術士能拆字賈以策畫地作奇字與之拆術者曰公相志不諧矣道立又不可道可又立不成公默不語禮遣之恐泄其事使人害之於途

西湖志

夏巨源精卜筮居臨安紹熙三年冬禹之自顓受代造朝其子价侍行既至點檢勅告文書遺其一札同詣夏肆卜之夏書紙上曰事千里外繼書一食字一堯字合讀之則饒字也問是乎曰然文書現在係一多口人收

得而鴛鴦為之看守無足慮也既而僕從饒州來持所遺至言當日打併行李時忘失在房小妾福安拾得藏在鴛字篋中蓋价房有十篋以泥融飛燕子沙暖睡鴛鴦為字號方悟卜者言鴛鴦看守之說而福字上一口字下田字是四口所謂多口人也

卜相紀

傳立以占筮起東南時杭州初附世皇以故都之地生聚浩繁貲力殷盛得無有再興者命占其將來如何卦既成對曰其地六七十年後會見城市生荆棘不如今

多也今杭連厄於火自至正壬辰以來又數毀於兵昔時歌舞之地悉為草莽之墟軍旅填門畜豕載道乃知立之占亦神矣

陶宗儀輟耕錄

錢唐羅貫中本南宋時人編撰小說數十種而水滸傳叙宋江等事姦盜脫騙機械甚詳然變詐百端壞人心術其子孫三代皆啞天道好還之報如此

西湖志

杭州男女瞽者多學琵琶唱古今小說平話以覓衣食謂之陶真大抵說宋時事蓋汴京遺俗也 瞿宗吉過



汴梁詩云歌舞樓臺事可誇昔年曾此擅豪華尚餘艮  
嶽排蒼昊那得神霄隔紫霞廢苑草荒堪牧馬長溝柳  
老不藏鴉陌頭盲女無愁恨能撥琵琶說趙家其俗殆  
與杭無異若紅蓮柳翠濟顛雷峰塔雙魚扇墜等記皆  
杭州異事或近世所擬作者也

西湖志

陶宗儀在杭州見一弄百禽者蓄龜七枚大小凡七等  
置龜几上擊鼓以使之則第一等大者先至几心伏定  
第二等者從而登其背直至第七等小者登第六等之

背乃墜身直伸其尾向上宛如小塔狀謂之烏龜疊塔  
又見蓄蝦蟇九枚先置一小墩於席中其最大者踞坐  
之餘八小者左右對列大者作一聲衆亦作一聲大者  
作數聲衆亦作數聲既而小者一一至大者前點首作  
聲如作禮狀而退謂之蝦蟇說法

陶宗儀輟耕錄

杭人削松木為小片其薄如紙鎔硫黃塗木片頂分許名  
曰發燭又曰焠兒蓋以發火也史載周建德六年齊后  
妃貧者以發燭為業豈即杭人所製與宋翰林學士陶

公穀清異錄云夜有急苦作燈之緩有批衫條染硫黃置之待用一與火遇得燄穗然既神之呼引光奴今遂有貸者易名火寸按此則燂寸聲相近字之譌也然引光奴之名為新

同前

災異

增

杭民尚淫奢男子誠厚者十不二三婦人多以口腹為事不習女工至如日用飲膳惟尚新出而價貴者稍賤便鄙之縱欲買又恐貽笑隣里至正己亥冬十二月金

陵遊軍斬關而入突至城下城門閉三月餘各路糧道不通城中米價湧貴一斗直二十五緡越數日米盡糟糠亦與常日米價等有貴力人則得食貧者不能也又數日糟糠亦盡乃以油車家糠餅搗屑啖之老幼婦女三五為羣行乞於市雖姿色豔麗而衣裳濟楚不暇自愧至有合家父子夫婦兄弟結袂把臂共沉於水者一城之人餓死十六七軍退吳淞米航輻輳藉以活而又大半病疫死豈平昔浮靡暴殄之過造物有以警之與

陶宗儀輟耕錄

元大德十一年杭大饑官設粥仙林寺中饑民殍死不為哀止何長者敬德以施民振乏為事乃請杭好善而有財智者五七人即菩提寺作粥夜嚮置大甕中明日饑民以至先後列堂廡下或溢出門外道上相向坐虛其前以行粥用二人舁一人執杓以注器中食已以次去日嚮米七八石至十石始六月至八月凡七十日饑民無死者石塘胡長孺云往歲湖州作糜食饑人糜脫

釜猶沸湧器中人急得食食已輒仆死百步間長者夜作粥貯大甕中蓋懲湖州事也有意哉

姜南蓉塘詩話

杭城多火宋時已然其一民居稠比竈突連綿其二板壁居多磚垣特少其三奉佛太盛家作佛堂徹夜燒燈幡幢飄引其四夜飲無禁童婢酣倦燭燼亂拋其五婦女嬌惰篝籠失檢宋建都城中大火二十一度其尤烈者五度紹興二年五月大火頃刻飛燔六七里被灾者一萬三千家六年十二月被火灾者一萬餘家嘉泰元

年辛酉三月二十八日寶蓮山下御史臺吏楊浩家失火延燒御史臺司農寺將作監進奏文思院太史局皇城司法物庫及軍民五萬二千四百家綿亘三十里四晝夜乃滅時術者言年號嘉之文如三十五萬口泰之文如三月二十八又都民市語多舉紅藕二字藕有二十八絲紅者火也皆為讖云嘉泰四年甲子三月四日糧料院後劉慶家失火延燒糧料院右丞相府尚書省中書省樞密院左右司諫院尚書六部南至清平山萬

松嶺和寧門西及太廟三茅觀下及軍民七千家二晝  
夜乃滅

西湖志

紹定辛卯臨安火比辛酉加五分之三雖太廟亦不免  
而史丞相府獨全洪舜俞詩云殿前將軍猛如虎救得  
汾陽令公府祖宗神靈飛上天可憐九廟成焦土時殿  
師馮榘也人言籍籍迄今不免責

鶴林玉露

增補武林舊事卷八